

Դչի (6 Սեպտ.). Էջմիածնայ Տէր Յովանէսն գնաց Ը-իս օր Ուրբաթ. տօն Ծննդեան Սուրբ Աստուածածնի: Օրս ի փուռն գնացաք և հասաւ արարին և զՎէհրէսն ի տէգեան հղին և ես ևս:

Կիրակի ժ-ին՝ բարեկենդան Սուրբ Սաշի:

Էչիս (11 Սեպտ.) Ոսկան վարդապետն ի յեկեղեցիս մեր եկն. և օրս զղաղիէսքէրքն փոխեցին:

Ժէ-ի օր Կիրակի. Սուրբ Սաշ:

Դչի (20 Սեպտ.). Զաքարիա Ղալֆալի տղան մեռաւ՝ արծաթագինն:

Շաբաթի օրս ԻԳ-ի մեր Ոհանի կինն մեռաւ և ի ժամ տարաք և այլ ևս է ննջեցեալք բերին ի ժամ շարեցաւ կարգաւ ի գաւիթս հեկեղեցոյն: Եւ ո՛վ կարէ պատմել զաղէտս զայս, որ եղև յայսմ աւուրք, կամ զտարակուսանս քաղաքիս, և զսասանումն մեծամեծաց և փոքունց ո՛րպէս ճառեսցուք. զի մարդ եղին բռնաւորք յամենայն զրուսս քաղաքիս և համարեցին զզիս մեռելոցն յաւուրս: Ի քրիստոնէիցն և յայլազգացն Ռ և ԴՃ և Ը ելեալ. և ի մեռելոցս բնաւ ոչ զբտանիւր մի ծեր, այլ էին պատանեակք և երեխայք, մանուկք և երիտասարդք, որ և առհասարակ սոսկացաւ դողալով ամենայն քաղաքս ի մահտարածամ ցասմանէս: Եւ այս ամենայն եկն ի վերայ մեր վասն մեղաց մերոց ըստ մարգարէին Դաւթի. որ և ազաւնեմք զամենայն սուրբս, զարիւնս և զաղօթս նոցա միջնորդ ունելով, առնելով ընդ իւրեանս զՍրբունի Մայր Արարչին և բարեխօսութեամբ նոցա զթասցի միթէ քաղցրն և քաղցրասցի զթածն ի վերայ ստեղծուածին իւրոյ և բարձցէ պատիժ պատուհասին: Ասասցեն երկինք և երկիր՝ եղիցի եղիցի. ամէն:

Կիրակի (24 Սեպտ.). բարեկենդան Սրբոյն Գէորգայ. և ի Մղտեսի Տիլէկենցն էաք կնքտուք վասն դստերն: Օրս Տէր Ոսկանն յԱստուածածին գնաց: